

✓  
Koblenzer Mundart

## Abschied vom Summer

Wat hatte mir en scheene Summer,  
on wör et manchmol och ze heiß,  
su nicht dä Abschied ons doch Kummer,  
nau schleßt dat Johr bahl seine Kreis.

Vom Monat Mai bis zom September  
stand ons ze Deenste dä Planet,  
on die paar Troppe Rähn-Geklimber  
han kaum gereicht fier't Gaardebeet.

Dies Johr braucht mer net weit ze fahre  
gen Süde an die heiße Sonn',  
dä Offwand konnt mer sich erspare,  
mir hatte hei genug davon.

Mer fuhr gemietlich met dem „Brummer“  
mol kreuz on quēr dorch eijene Land,  
on mancher hat en diesem Summer  
die „Scheenheite“ deheim erkannt.

A konnt hei Berg on Dahl dorchstreife,  
erfresche sich en köhler Flut  
on ohmens noh dem Gläsje greife,  
geföllt met purer „Sonneglut“.

Dä Mensch on och dä Wein sein sauer,  
wenn keine Sonnestrahl se küßt,  
en Schatte einer hylle Mauer  
kann mer gedeike, trotz vill Mest.

Wat hatte mir en scheene Summer,  
e ganz Quatal voll Sonneschein.  
Am beste doht dä Abschiedskummer  
ersaiße mer em Gläsje Wein.

Katharina Schaaf

Katharina Schloof

22. 9. 67